

Cracoviensis studior. Univ. Jagell.

Promotiones Artium Philosoph.

1652.

Joan. 2984.


Lignicento fiam: Aquila academica Jagellonicae dia-
demate sceptrisqve decora etc.



3549

III





A Q V I L A

A C A D E M I C A

IAGELLONIANO Diademate Scepтрisq̃ue
D E C O R A,

A Q V I L Æ S A R M A T I C Æ

F I L I A,

D E I M A X I M I N V T V,
PONTIFICVM ROMANORVM PRIVILEGIIS,
REGVM POLONORVM IMMVNITATIBVS,

ORDINVM REGNI PATROCINIO,

Illustrissimi ac Reuerendissimi Dñi,

D. PETRI GEMBICKI


Dei & Apostolicæ Sedis Gratiâ

EPISCOPI CRACOVIENSIS,

DVCIS SEVERIÆ

F E L I C I

CANCELLARIATV. 1652



90
Tertium adimplens sæculum

L V C I P V B L I C Æ

A D

Magisterij in Artibus Liberalibus & Doctoratus in Philosophia
Obtinentes Licentiam.

P E R

Clarissimum ac Doctissimum Virum,

M. IOANNEM TONSKI

I. V. & Medicinæ Doctorem ac Professore,
ILLVSTRISSIMI ARCHIATRVM,

Radijs rigidi Examinis probatos

XL. exponens Pullos.

A N N O

Metra DoCent annos Legito si nosse peroptas.

A

FRANCISCO LIZNIEWIC, eiusdem Magisterij
CANDIDATO.

S E P T E M T R I O N I

M O N S T R A T A.

*IN STEMMA ILLVSTRISSIMI,
ET ACADEMIÆ CRACOVIENSIS.*

*Quæ cerno, quæ sunt Insignia? Præsul, Auisque,
Infula, Sceptra, Mucro, Fascia, Mitra, Pedum.
Fascia GEMBICII; Mucro, Mitra Principis; Ales,
Sceptra Scholæ; Mystra, Stemma, Tiara, Pedum.
Felix augurium, si iam sociata manetis
Stemmata. Vos melius consociabit Amor.*

Alexander Zelinski.
Stud. Poës. A. A. C.



3549 III

ILLVSTRISSIMO ac REVERENDISSIMO D D.
PETRO GEMBICKI,

Dei & Apostolicæ Sedis Gratia

Episcopo Cracouiensi, Duci Seueriæ, Cancellario
Fauentissimo Academia Cracouiensis.

Domino & Patrono Amplissimo S. & Perennitatem.



Ridem volitantes geminas Septem-
trionis Aquilas nunc ego primum cō-
spexi PRINCEPS ILLVSTRISSE
Quarum primam expansis erectam Crom. l. 2.
de Reb. Pol.
alis Orbis Lechici primum Principem
Insigne boni auspicii PRINCIPIBUS
POLONORVM datum, manere voluisse, testis tempo-
rum loquitur Historia: Alteram (quam Persona induta Inform.
Iuris & fa-
ci vor.
Pontificalibus in folio residens, Sceptris duobus Diade-
mati suppositis demissam ad solij basim tenet) ne aliquid
desiderari possit, quod ad Reip: Literariæ securitatem,
& in Regno Poloniae prærogatiuam ac dignitatem am-
pliandam & stabiliendam facere videretur, ACADE-
MIÆ Cracouiensi *in Regno Poloniae Pietatis & Religionis Ma-*
gistræ, Ecclesiæ DEI & Reip. Polonæ Seminario, Sedis Ex literis
Laur. Go-
slicki, Ep:
Culm. ad
Sixtum V.
Apostolicæ Romanæ Cultrici Diuus IAGELLO præfi-
ciendam censuit. Tibi hæc vtræq; debetur Aquila: illa vt
Senatori Sarmatico; hæc vt CANCELLARIO Academi-
co. Et illa quidem salutarem toties iam sibi GEMBI-
CIANÆ Domus experta est, vt & nunc experitur dex-
teram; dum zelosissimos pro bono publico Cancellari-
os, amantissimos Patres Patriæ suspexit: Hæc verò man-
fuetioribus cicurata Musis Tuæ Domus Inclytæ Fascijs
se illigatam recognoscit. Quid enim aliud velle sibi vi-
detur, illa Pontificalibus ornata Tiaris Persona in gremio
suo fouens Aquilam, nisi Te Tuosq; Successores omni-
um Libertatum, Immunitatum, Exemptionum, & Sta-
tutorum Studij Conseruatores. Ac missis alijs Tuis Præ-
decessoribus hanc Iagellonicam fortissimè semper pro-
pugnantibus Aquilam, à Te toties, seris narranda Nepo-
tibus firma sunt ipsi porrecta præsidia. Ibat ereptum eius
regimen quondam Trochilus, astu callido euolans in al-
tum: Tu vanos conatus eius ostendisti; Insurgebat vi-
ribus clandestinis: Tu vires eius repressisti. Idem maio-
ribus

ribus viribus per astum ingeniosum eandem impugna-
 tur⁹, diutius Inter Harpyas crediderim infernales propè
 Symphalim lacum cōmoratus, fortè vt NICocreon-
 tis tyrannidem ad tundendos Anaxarchos imbiberet, vel,
 vt quēadmōdum Magnus OLAVS monumentis, ita ille
 Theonino dente innotesceret maiori nisu vncis manibus
 obarmatus, eandem lacerat: Tu Patrocinij Tui salutari
 Dexterā ne *Lancinata* maneat *quantocyus* prouidebis.
 Hæc Aquila omnes furentium procellarum insultus, ve-
 lut Testudines ad Te Petram, quia Petrum, feliciter tan-
 dem aliquando allidet; & allisit iam aliquoties fortuna-
 tissimè, dum immanissimas Dissidentium (qui nidum A-
 quilæ huius demoliri contendentes, ipsam per tot fora
 Castrensia, subselia Tribunalitia, ac demum Comitia
 Generalia suffocare, genuinamque eius sobolem extre-
 mis, ita vt nulla extet memoria, addicere supplicijs: la-
 borabat) furias superauit. Gratulatur sibi & Tibi gra-
 tias agit, quòd ex ipsius fati per Te ereptæ faucibus, libe-
 rè adhuc illi per sublime Orbis Sarmatici liceat volitare.
 Gaudet vel maximè, quòd illi soli Pontificum Romano-
 rum authoritate, Regum Polonorum immunitate, Tuo
 & Ordinum Regni fauore, legitimum fas sit è suo nido
 luci publicæ exponere fetum. Mansit quadrima sterilis
 in deplorandis Aquilæ Sarmaticæ tumultibus. *Difficile*
 enim vbi classicum canitur, canere pariter & Musis otij &
 tranquillitatis amicis: at nunc dum optata in Roxolani-
 cis oris aliquo modo pax effloruit, conceptam iam Or-
 bi educit prolem. Quare Tuum erit PRINCEPS Illu-
 strissime, vt ipsam Matrem, ita & Prolem ad Te confugi-
 entem: meque hanc leui pennâ euolantem, dum eam Ti-
 bi cum ea quæ par est Viro Senatorij Ordinis debita ani-
 mi mei submissione præsentò, Tuâ Gentilitiâ Patrocinij
 Fasciâ complecti. Hoc à Te sperat Alma Mater nostra
 ACADEMIA: hoc de Te nobis innatum Tuum in
 ipsam studium pollicetur.

*Versenic.
 2. Tur.*

Tuæ Illustrissimæ Celsitudinis

Cliens humillimus

FRANCISCUS LIZNIEWIC
 Secundæ Laureæ Licenciandus.



A D

ILLVSTRISSIMVM DOMINVM
CANCELLARIVM

Inclytæ Academiæ IAGEL:

ODE DICOLOS TETRASTROPHOS.

Magne sacрати moderator Orbis
PRÆSVL & PRINCEPS, pia cui refulget,
Cuiq; virtutum celebres reuincit

FASCIA laudes.

Martijs semper recreata Campis,
TE Domus Patrum (Domus ô decora
PRÆSVLVM Mitris) LECHICO beatum
Protulit Orbi.

Illa Magnorum fuit, est, eritq;
PRINCIPVM nidus, generosa quorum
Pectori fortis sua vel refixit

Arma Graduius.

Ipsè vel flexi Dominator Orbis
Ad sacre Sedis vocat (vt seuera
Impiæ possent dare iura plebi)

Iuppiter Aulam.

GNESNEIS nuper religata Summi
PRÆSVLIS (vestræ Domus ô corusci
Sideris; clarè micat hoc) Tiaris

Tempora vidit.

Vidit & sacros LECHVS ipse Diuûm
PRÆSVLVM FASCES sibi quos celebris
Urbium PRINCEPS LECHICIS in oris

GNESNA dicauit.

Vota soluisti LECHICI Monarchæ
AVSTRIÆ Magnos adeundo REGES
Vt salus & pax niueis reuisat

Oppida bigis.

B

TE

TE PREMISLANIS pia dextra *QUARTI*
Rite VLADSLAI, pia TE potentis
Præficit sacris, TIBI dat sacratas

Dextra curules.

TEq̃ Secreti voluere REGES
Conscium quondam sibi; publicisq̃
CVRIÆ Factis, sapientis instar

Nectere CONSI

TE VAVELLANIS habilem Tiaris
Esse duxerunt; Tibi CRACVS ipse
Tradidit plebem, vel oues sacrato
Iunxit Ouili.

TE recuruatis LECHVS ipse nuper
Poplitum flexu coluit, relecto
Et TIBI pronus sua vota nutans

Vertice fudit.

Nuper exortos LECHICVM per Orbem
Turbinum motus sine non refusis
Sumptibus tuto TVA quos beata
Dextra remouit.

CZORSTINIANÆ fera monstra cautis
TV restinxisti; TVA summa virtus
CRACIDVM certam pauidæ salutem
Præstitit VRBI.

HERCVLES non sic domitor patentis
Orbis, horrendum domuit colubrum,
Perditus non sic fuit Herculano

GERION ausu.

Ergo TE CELSA colet Arce CRACVS
TE peregrinis celebrabit oris
VANDALVS; blando recinet susurro
NAIS & ipsa.

TEq̃ LECHÆI columen SENATVS
Noster annoso memorabit æuo,
Facta, Virtutes, ACADEMVS vsq̃ ad
Sidera tollet.

AL ES aeternum Duce TE volabit
SCEPTRA floreunt ACADEMICORVM
Quæis IAGELLONES voluere Musas
Esse decoras.

S I N.

S I N C R I S I S AQVILÆ SARMATICÆ.

SArmatix quondam gemini vixere Monarchæ,
Quos Iouis excelsos candida fecit AVIS.
Ille LECHVS PRINCEPS, Rex iste IAGELLO vocatur,
Condidit is Regnum, condidit iste Scholam,
Is populos Regno, Musas aut iste Lyceo
Iunxerat, ut maneat Regna, Scholæq; simul.
Dat LECHVS Imperijs AQVILAM pro Stēmate, talem
Inclytus ipse suis datq; IAGELLO Scholis:
Hinc AQVILAM LECHICVM gestat pro Stem-
mate Regnum,
Et gestat similem sic ACADEMVS AVEM
Scilicet, ut gelidos Thraees, coruosque fugando,
Protegit hæc Regnum, protegit illa Scholam.
Dicite nunc AQVILÆ, vestrum quæ dignior exstet,
Et quæ se iactet maius habere decus.
Non equidem LECHICAM censebimus esse mi-
norem,
Sed nec maior, quam fert ACADEMVS, erit.
Illam REX, hanc RECTOR habet cum Fascibus: illa
Horrida MARTIS; & hæc Palladis Arma gerit.
Robur ei, victrix isti sapientia seruit:
Illa Sagum retinet, sed fouet ista Togam:
Illa Magistratus largitur, at ista Corymbos,
Illa Senatores, aut decet ista Sophos
Hostis adest illi: sed & hæc circumdatur hoste;
Illi paret Eques, sed Studiosus huic.
Illa vices suffert, sufferre nec ista recusat
Illa manet tristis, læta nec ista manet.

Perillustri, Clarissimo, ac Doctissimo

V I R O,

D. IOANNI TONSKI

Iuris Vtriusq; & Medicinæ Doctori,

PROCELLARIO

ALMÆ ACADEMIÆ CRACOVIENSIS

DIGNISSIMO.

ODE TRICOLOS TETRASTROPHOS.

D*E*prædicabo non resonantia
Tumultuosi classica, non caua
Brontea, nec sæui cruenta
Bella canam clypeosq; MARTIS
At TONSCIANÆ Palladis abdita
Amplaq; magnæ Regna scientiæ
Vates stupebo, vel loquaci
Attonitus resonabo buxo.
Assurge celsi quæ rapidos Poli
Scrutaris orbes VRANIE, trium
Ter una Princeps ô sororum
TONSCIANOS modulare cantus.
Refixa cælo sidera qui tenet,
Potauit ingens qui Sophiæ salum
Arguta Musarum nitenti
Proluit & sua labra fonte
Quâ tardus orbes Arctophylax viâ
Percurrat, & quâ sidera lucidas
Phæbus reuisat, quâq; plaustrum
Ducat Hyperboreus Bootes
Hic nonit, & quâ Lucifer aureum
Lumen serenus fundat in æthera
Quo stella sese fulminantis
Sæpe corusca Iouis receptet:

C

Vel

Vel cur resoluant imbriferæ vaga, in
Imbres aquarum nubila PLEIADES:
Per vasta cæli, quo bicornis
Tempore Cynthia agat choreas.
Lethalis & qua permaneat febris
In parte, nouit, corporis, & leues
Torpente cur depascat artus
Morbus edax maciesq; tabo
Periculosos hic medicamine
Depellit ægro corpore Principis
Morbos, recessus Archiaterus
Præfulex tenet hic salutis.
Non ipse quondam talia IUPITER
Præscripsit agris pharmaca, callidus
Hanc nouit artem, nec medendi
Aut PODALYRIUS aut MACHAON
Sacrata TONSCI Casarei bene
Arcana iuris mente tenes Tuâ;
Iustinianæsq; Legum
Cum Titulis bene scis Rubricas
TE GRATIANI causa per æthera,
Distinctio TE vectat, & omnibus
TE posteris dicent sacrati
PONTIFICVM Canones celebrem
TE nostra celo laudibus euehet
Camæna semper, TE celebrabimus
Dignatus es quorum Corymbæis
Tempora nunc redimire fertis.

Excellentissimis, ac Doctissimis DD.

EXAMINATORIBVS,

ALMÆ ACADEMIÆ CRACOVIENSIS

PROFESSORIBVS.

ODE TRICOLOS TETRASTROPHOS.

ET vos retentis Pieridum Decus
Thyrsis adornant CASTALIDES Deæ
Vos nostra gestat prænitenti
Pectine concelebrare CLIO.

MLINKOVIANÆ clara scientiæ

In mente sacra fulgura detonant

Duri Sophorum vel laboris

Vel studij renitent fluenta.

Dum prouidorum belligeræ Sophum

Surgunt phalanges fortia Palladis

Est castra visunt disputantes

Hoc Duce bella gerunt cohortes

LIPNICIANI limpida defluunt

Torrentis instar flumina pectore

Sermonis, vndans Tullianæ

Ex animo fluit vnda Suadæ.

Maronianis inclyta dotibus,

Huic Musa præstò fundere qui potis

Sit metra : cornuto beauit

Hunc & Aristoteles Achille.

Et TE RADOMI Threijcium quoque

Plectrum sonabit, qui Sophiæ bonas

Complexus artes, cruditæ

Mente Tuâ recolis Mineruæ.


Vos literatæ lumina Curia

Per longa vestris lustra laboribus

Lucem feretis, vos potestis

Posthuma laude notare sæcla.

A D
VENERABILES DOMINOS
SECUNDÆ LAVREÆ
CANDIDATOS
Proloquium.

 *E*neranda peracti sæculi antiquitas, si aliquando *Aui-*
um Reginam IOVISQ. Armigerum, sedentem con-
spicata fuerit AQUILAM, inquietæ; si verò vo-
lantem, pacificæ felicitatis, certissimum semper iudicabat præ-
sagium, Venerabiles CONCANDIDATI mei. Princeps
Studiorum & unica in Septentrione Musarum AQUILA
Academica, per quadriennium infecunda manens, nunc in
publicum vobiscum, ad solem rigidi Examinis probatis iam
se se explicat. Demiserat aliquando præteruolans, (si solerti
Plinio credimus) in sinum LIVIÆ DRVSILLÆ, quæ
postea Matrimonij nexu AVGVSTA vocata, ramum LAV-
RI baccis onustum: hæc quoq; Vestris Coronas Laureas (qui-
bus in signum pacis & victoriæ IMPERATORVM cinge-
bantur tempora) pro tot exantlatis laboribus, totq; deuoratis
molestijs, imponit capitibus. Felix auspiciū liceat nobis
ominari, dum desideratæ in Auito hoc & Sacrosancto D. I A-
GELLONIS Potentissimi Poloniæ Regis PARNASSO,
tandem aliquando reuiriuere LAVRI. Amplius nulla ob-
treçantium fulmina timenda erunt: omnium Neuiorum im-
petus & sugillationes, retundi & sustineri poterunt audaciùs.
Quousq; hæc generosa REGVM ALES, per vastum orbis v-
niuersi, in ore sapientum virorum volitabit æthera, eousq;
vestra, aliorumq; huius AQUILÆ natorum immortalis fa-
ma vigeat. Quod si ARCHILOCHORVM dentibus, aut
vibicibus, vestrum nomen impetatur; illo VARSEVICII
esote quieti: LAVRVS & mediâ hyeme viret, & vir-
tutis ingenijq; fama, etiamsi aliquos habueris næ-
uos, nunquam arefcit.

I. V. D.

I. V. D. FRANCISCO PETRICIO CRAC.

Effigie atq; nomine referens Patrem, optimæ spei
filius, non solum in hæreditatem, verum etiam in
virtutem Paternam creditur successurus. *Christopho-
rus Varsenicus Orat. 7. Turcica.*

PETRICI facunde Nepos SEBASTI-
ANI; amœnas qui studijs secutus
Inclyti Mufas docili Maronis
Indole fingis.

TE canam Magni Patris, ac Auorum
Filium : cuius tonat vt PERICLES
Lingua, facundus, loquiturque blando
Tullius ore.

Cuncta lustravit Tuus ô Sophorum
Maximus Princeps, Auus & superbæ
Principem STOÆ docuit Polonâ
Dicere linguâ.

Hicque solertis lepidas Horati
Voce sic nostrâ docuit Camœnas
Colloqui secum, roseus quod ipse
Vidit Apollo.

Quin & exhaustas salubri leuabant
Corporum vires medicæ repertu
Artis; & Febres & acuta morbi
Tela fugabant.

Ergo Tu magnos imitatus olim
PETRICI Patres, referes sonorum
Semper ANDINVM, Ciceronis atque
Ora disertæ.

II. R. D. IOANNI VNIKOWSKI
PRESBYTERO.

Rarius alia, quàm sacra sacrato ex pectore verba
debent tonare. *Idem 3. Tur.*

P RIdem reuinci promeruit Tua
POVNIKOWSKI lauriferis coma
Sertis, & ornari virenti
Tempora digna fuere baccâ.

D

Tandem

Tandem relapsis debita sæculis
Mercēs laborum redditur, & Tuam
Frontem religant & sequaces
Tempora condecorant Corymbi
Tu Dia Mystes limina Maximi
DEI frequentas, & rutilo manus
Cælo supinas fert Tonanti, &
Hymnisonas canis ore laudes.
Vt Phæbus altis aurea splendidus
Impertit astris lumina, Te Duce
Lunæ DANILOVICIORVM
Clariùs in Patrijs micabunt
Plagis, Olympi sideribus Tua
Quæis cura claræ nunc sapientiæ
Instillat impertitq; lumen
Promeritis studijsq; splendens.

III. V. D. IACOBO PIOTRKOWIC.

Si labore & industria aliquid confeceris, abit tandem labor & restat decor. *Idem.*

QUæ CROMERVVM quondam LECHIA-
 CVM Patria, fidus
 Fudit: PIOTRKOWI Te tulit hæc eadem
 Quæ PIOTR OVICIVM lumen columenq; Lycei
 Edidit, hic idem Te tulit ipse locus
 Vt natale solum commune Tibi fuit: Esse
 Communis debet, Mens studiumq; Tibi.
 Ergo si rerum cupias cognoscere causas
 Quid sit cognoscas cura, laborque prius.

IV. V. D. STANISLAO RVSZKIEWIC.

Magnus est honos in Principum versari comitatu. *Christ. Varf. Orat. in Obit: Steph. Reg.*

ARtium Præses, studijsq; cultor,
 Quæ sui cultos studij Tyrones
 Adiuuat; confert tibi Laureatos
 Pallas Honores.

Doctus

*Doctus in multis Tibi pallidarum
Artium lymphas Stagiræus, atq;
In Tuo magnas studij refixit
Pectore dotes.*

*Melleâ semper comitante Suadâ,
Ipse quem Graiæ stupuere Athenæ
In Tuo torrens rapidus loquendi
Pectore regnat.*

*Te PALATINÆ decorauit Aula
CVRIÆ nuper, decoratq; Magni
Nunc & Herois Domus, & potentium
Sanguis Auorum*

*Nobili pergas dare iura, publi
Atticos quondam Tua nec retardet
Ritè Cyrrhæis sociare Musis
Cura lepores.*

V. V. D. IOANNI FRINSKI.

Labor spe otij fit leuior. Christ. Varsau. 3. Turc.

FRINSKI ne doleas, neu miserabiles
Decantes elegos, tinnula pollice
Molli cum fidibus barbita concites
Interpone tuis sales.

*Nunc curis. Virides Castalidum Tuis
Dux Lauros nitidus temporibus parat
Myrtho sollicitum fatidicâ Tibi*

*Cinget Musa breui caput.
Te doctarum hederæ præmia frontium
Adiungent Superis; improbus & labor
Contextet celebres laudis adoreas
Musarumq; molestiæ.*

*Te non castra iuuant, & lituo tubæ
Permissus sonitus, belligeri neque
Martis tela decent, sed gelidum nemus
Ornat Palladis inclytæ.*

VI. V. D. ADAMO KVCHARSKI
SVBDIA CONO.

Modestia radix est, & altrix virtutis & veræ famæ. *Ex Cent. miscel. Epist. 17. Lips.*

NON ego Te memori repetam nunc pectine: magna
KVCHARSCI virtus, Te Tua concelebrat.
*Excubat in niueo sedata modestia vultu,
Quæ Mysten magni denotat esse DEI.
Inq; Tua residet rerum prudentia mente,
Quæ Te versatum prædicat esse Sophum,
Ardua collustras, nodosa resolvit, aperta
Mentibus instillas ordine quæq; suo.
Laurea ferta parat Tibi pro virtutis honore
Cynthia, & studijs Pallas amica feret.*

VII. V. D. SIMONI RYSKIEWIC.

Sapiens eris sapientibus semper assidens. *Ex Comicis Grecis.*

QVem litterati sacra VITELLII
Pallas recoxit, quemq; diu Lares
Fouere secum, dulcis & quem
Tulliani docuit Camœna.
Lustrare fontes eloquij. Mea
Cantare laudes, ingenuas simul
Artes & illius canoris
Clio studet geminare plectris.
Hic nam peramplas præpete porticus
Summi Sophorum Principis abdita,
Cursu peragrauit libentèr,
Sollicitâ relegendo mente.
Arcana. rerum prouida Te Parens
Natura, multis dotibus ingeni;
Ornauit, & Suadæ venusta
Eloquio decorauit ora.
Quid ergo mirum, si Tua pectore
Fluxit decoro Pitho, Academicus
Quid sit Magister, dum disertò
Ore Tuo tonuere rostra.

Te vis

Te vis Magistri magna VITELLII,
Ad summa rerum prouehet altiùs,
Magnis honorum Te serena
Sæcula muneribus beabunt.

VIII. V. D. IOANNI DYMOWSKI.

Non potest iucundè & tranquillè viui, nisi honestè. *Cic. lib. 2. de fin. bon. & mal.*

Quid mirum DYMOVI! quod Tu de pace loquaris,
Cum pacem placido vultu, animoq; geras.
Sæpè solemus ijs de rebus dicere; quarum
Scintillæ nostro pectori inesse solent.
Te pacata, Sophum pacatum, Musa creauit
Ut pacata Sophus prælia sæpè geras.
Vinere si pacatus aues, tunc viue at honestè
Sic pacata Sophis vita venire solet.

X. V. D. ALBERTO SWIATLOWIC.

Præclaris virtutibus præclara præmia, & insignia virtutis semper conueniunt. *Natalis Comes hist. lib. 15.*

DIALOGISMVS POETÆ CVM EODEM.

P. **Q**uid Tua Musa velit, lepidissimè fare SVIATLOWI,

S. Imponi capiti Laurea ferta cupit.

P. Quid Tibi cum Lauris? S. Lauros non fulmina tangunt,

Cæsareum decorant, Præsuleumq; caput.

P. Ast vbi nunc Lauri, dum maxima frigora regnant?

S. Et medio brumæ tempore bacca viret.

P. Ergo Tuæ viridis detur iam Laurea fronti,

Atq; Tuum decorent Laurea ferta caput.

Te Studium Sophiæ, Canonum, Legumq; celebrè
Reddat, Te varijs condecoretq; modis.

XI. V. D. PETRO BARSCIO CRAC.

Si pulcher es, lauda naturam; si diues es, lauda fortunam; si sapiens, lauda te ipsum. *Sen.*

RES maior pretio, FORTVNA, SCIENTIA,
VIRTVS,

*Quæ tria mortales concelebrant animos.
Te tribus his sapiens ornat Natura talentis,
Est fortuna Tibi, est ingenium, probitas.
Felix Augustâ nasci quem contigit Vrbe,
Quem genus & Patriæ splendor in orbe canit
Magnanimæ pulchro virtutes Te comitantur
Passu, Te Probitas addecet atq; Pudor.
Ingenium sublime Tibi, Tibi gratia fandi
Mira subest, castis vocibus atq; lepor,
Et Tua sæpè nitet virtus: sunt Rostra TRIADIS
Testes, eloquio condecorata Tuo.
Edita Te vasto celebrem monumenta loquuntur
Orbi, sic Patriæ fama perennis erit.*

XII. V. D. PETRO ORCHOWSKI.

Tanta est virtutis vis, tantaq; species; vt vel hostes virtutis, in admirationem virtutis rapiantur. *Varſau. Orat. in Obitum Steph. Regis*

Multi nubiferis, attollunt Alpibus aurum
Cræſi, vel Phrygij diuitiasq; Mydæ.
Purpura delectat multos, & Sceptra Potentes,
Bellaq; magnanimos sat recreare putes.
Pulchrius haud aliquis Nostrum consurgit in altum
Quàm Virtute Duce, & dotibus Ingenij,
Ergò Tvæ dabit Virtus fociata Mineruæ
LAVROS æternum, quæis redimitus eris.

XIII. V. D. ADAMO GRONKOWIC.

Honos non solum alit artem, verum etiam virtutem. *Plut. in Lacon.*

Nulli certè datur magnos conscendere honores,
Nec audax quenquam cura beare potest.

Sed

*Sed per virtutem solam, verumq^{ue} laborem,
 Ad veri ingressus culmen honoris adest.
 At Tu quo valeas verum conscendere honorem
 Laudis iter curris Palladis in stadio.
 Te Medicina, (cui totâ impallescere mente
 Contendis) celebrem Te super astra feret.
 Et Græcas recolis vigili Tu pectore Musas,
 Quod non sufficiat Musa Latina Tibi.
 Perge bonis anibus, sic incrementa capeßes
 Virtutum, viues auctus honore diu.*

XIV. V. D. FRANCISCO APPEL, CRAC:

Vt equi pernitas alterius pernitate; sic ingeniorum sagacitas excitatur sagacitate. *3. Turc. Varſau.*

A Pollo prodi iam resonantibus
 Assume blandam cum fidibus Chelyn,
 Ter tres Sorores in virenti
 Atque Deas Helicone linque.
 Cliuosa sacri, iam iuga Cynthij
 Dimitte, iam iam culmen amabile
 Biuerticis Pindi, beatum
 Linque precor nemus atque sedes.
 Fer Laureatas iam Cidares, quibus
 APPELLIANAS condecres comas
 Baccas fer, & Myrtum, rosasque
 Et violas, calathosque tecum
 Hic ille, cuius pectore Tullij
 Facunda pulchro detonat inclyti
 Suadela, cuius vel canoro
 Iam dominatur in ore Nestor.
 Hic ille summus, quem studij Parens
 Erudiebat, quem Sapientiae
 Amplis redonauit Minerua
 Dotibus, ingenijque donis.
 Te fama viuax reddit amabilem
 Et clarat ingens gloria Sanguinis
 ZAMOISCIANVS, quem Jugalis,
 Præfulea redimit Tiara

Magnus Magister, Te volet inclytum
Acquè Magistrum reddere seculis
Multosque Meccenate tanto
Iam Tua Musa videbit orbes.

XV. V. D. GEORGIO KONARZEWSKI

Laborum magnum incitamentum est gloria.
M. Anto. Natta de immort. animi. lib. 4.

TE nunc Pallas amat colitq; Phæbus,
Dulces Aonidum chori Dearum,
Commendant calamo loquaciore,
Cum Parnassia Te Tuamq; frontem
Laurus condecorat tegitq; baccis.
Quid? KONARZOVIVS decus Sororum,
Secretos studij profundiore,
Sensus Castalidum resolvit ausu.
Arcanos animos stupens recessus,
Te virtus celebrabit orbe toto,
Te doctrina leuem feret per orbem.

XVI. V. D. STANISLAO GIERADTH.

Cum literis & lectione, tum verò usu & tractatione rerum prudentia comparatur. *Varianic: in Obitu Stephani Regis.*

INuitant oculos halantes floribus Horti,
Allicit ast iuvenes docta Minerva magis
Pascit odoriferis violæ nos hortulus umbris,
Mitra datur capiti hic annulus ast digitis
Quàm benè conueniunt hortus, sedesq; Mineruæ
Floribus ille viret, sed viget iste viris
Sæpè fuere horti perpulchra palatia Musis,
Ex hortis Laurum primus Apollo tulit
Tu quoq; fragrantis victricem. Lucifer horti
Sumpstisti Laurum, quâ redimitus eris.
Ergò sacro iunctâ cum Mitra fœdere Laurum
Accipe, sitque Hortus Pallas ubique Tibi.

XVII.

XVII. V. D. JACOBO MOSCICKI.

Literis & doctrinæ laus & fama est, præmia rara,
Lips. Quæst. 45. ex Cent. Sing. ad Ital. & Hisp.

*Q*uem sagax rerum placido creatrix,
Ore formavit; placidosq; menti
Indidit mores; Tibi Musa cultum
Dicito carmen.

*Roxiæ flexis satus hic in oris,
(Quas atrox nuper populatus, & quas
Cosacus multum Zaporouianis
Terruit armis)*

*Diva MOSCICCI Tibi præsto Pallas
Adfuit semper, Tibi Laureatos
Laude cum summa tribuit quietas
Pallas Honores.*

*Te Tuo semper nitidæ futuris,
Gestiunt Musæ celebrare seclis,
Te per obliquas Aquilonis oras,
Clio sonabit.*

XVIII. V. D. GREGORIO OCHABOWIC.

Cura & cogitatio acris, malleus est difficultatis.
Varſauic: de Legato & Leg.

*S*æpè mihi lepidæ multum placuere Camoenæ
Quas Tua mens dulci pectore sæpè fouet
Non ego Te Musas OCHABOVI dicere possum,
Huius quâ polles artis habere Deas.
Te Plato, Te Cicero, Stagyrites, Teq; Galenus
Inclytus, arcanis erudiere suis.
Ast tamen ut video memori pandere cuncta
Mente, mihi oppositum mente tenere placet.
Non Plato, non Cicero, Stagyrites nonque Galenus
Ipsa Tui causa MNEMOSYNE est studij.

XIX. V D. FRANCISCO MLYNARSKI.

Justus ac honestus labor honoribus, præmijs,
splendore decoratur. *Cic. lib. 1. de Orat.*

TE mea Musa canet, MLYNARSCI; nam Tua vir-
Te benè condecorat. (tus
Laudabunt alij genus, (id non fecimus ipsi)
Te Tua facta decent.
Teq; labore grauis summo studioq; molestus,
Ornat ARISTOTELES.
Pro rostris toties vidi CICERONIS abundè
Ora diserta refers.
Ergo Tuum referet mortalibus os CICERONEM,
Ars & ARISTOTELEM.

XX. V D. NICOLAUS ZALASOWSKI.

Qui virtutem suam publicari vult, non virtutila-
borat sed gloriæ. *Sen. ad Lucill. Ep 65.*

Vlla si laudis Tibi gloriæ
Pompa debetur, Tibi si vel vnquam
Maior accrescit cumulata dignis
Gloria factis.
Ecce depicto volat illa curru
Laureis ornans caput, enitescis
Pulchrior multo, Tua dum refulgent
Tempora baccis.
Musa Te toto memorabit æuo
Musa Dyræo Tua facta plectro
Posteris dicet volucrisque Craci
Incolet ædes.
CRACIDVM germen columenque Magni
Inclytum quondam fueris Senatus
Si Tua mentem celebris nec antè
Gloria vertat.

XXI. V. D. JACOBO ZIEBROWSKI.

Vera virtus nihil moratur hominum laudes.
Eras. lib. 6. Apoph.

*M*ater pulchra scientia,
ZIEBROWI nitida iam sapientia,
Claris muneribus beat,
Finitis alacri mente laboribus,
Non te soluis in otio,
Te reddet placida Phæbus amabilem,
Laudum & Pallas adoreâ.
Dine magnanimum CRACIADES, quibus
Te natura dedit, fœvent
Ipse ritè fauent Castalides Deæ.

XXII. V. D. BENEDICTO GOZDOWSKI.

Crescit, & quomodo nescit, qui Deum Opt: Max:
& eius vices gerentem reueretur Magistratum.
Varf. 6. Turc.

*O*bstupuit quondã Mundi caput inclyta Roma,
Cum CICERO è rostris, & CATO verba daret.
Dulcia Cecropiæ Grai Demosthenis ora,
Miratæ populo cum sua verba daret.
Et Te GOZDOVI nostræ stupuere Camoenæ,
Dum Tua verba pio pectore Suada tulit,
Tu iustas placido fudisti pectore grates,
Digna quibus magni PRÆSVLIS ara fuit.
Tu cultor Iuris, Legum, Canonumq; sacrorum,
Nodosique manes cultor Aristotelis.
Ergo iam poteris magnos superare CATONES
Dum tantis rutilas dotibus ingenij.

XXIII. V. D. ALBERTO STRAZYC.

Sapiens vir vates est optimus. *Cic. 3. Off.*

*O*Rbes Afrigeros, qui tenuit manu,
Stellas innumeras qui numerauerat,
Eius nunc lepido dicite carmine
Fratri: Pierides laudis adoreas.

*Hunc cunctis populis eloquij decus
 Reddet conspicuum: quem sapientiæ
 Dotes concelebrant, ingenij vigor
 Ornat, quem studium clarat & artium.
 Ergo dum assiduo maxima possides,
 Et versas animo dona scientiæ
 Te, nomenq, Tuum vatibus inferes,
 Et celso series sidera vertice.*

XXIV. V. D. BERNARDO CHRONIC.

*Gloria virtutem sequitur etiam fugientem. Apud
 Erasmi. in simpl.*

TE non adornant Pegasides modò
 Tuum, sed adsunt Craciades, decus
 CHRONICIANÆ quem superhos
 Ore suos referunt Penates.
 Decora celsi sidera pegmatis
 Lustras ocellis, abdita Dædalæ
 Secreta naturæ reuoluis
 Et solitos reuocas ad vsus.
 Non miles, at Tu prælia detonas
 Canora acutum classica fuscitas
 BERESTECENSES dum Camœnæ
 Ore Tuo celebrauit ignes.
 Florebit olim gloria Posthumis
 Quæ Te sequetur maxima sæculis
 Futura, Te semper loquetur
 Posteritas Tua facta dicet.

XXV. V. D. CASIMIRO SWIECHOWIC.

*Artibus ingenuis quæsitæ est gloria multis. Ouid.
 2. Pont. 1.*

PResulum sacris decorata Mitris,
 Siue Mystarum celebrata cætu,
 Quamq, subuertit rapidus supinis
 Vandalus undis.
 Cuius extollunt placidos sicane
 Ora nautarum, Cereris liquores

Patrios

*Patrios finxit tibi ritè VLADI-
SLAVIA Diuos.*

*O Tibi Phæbus studij reponet
(Cura si præstò fuerit) thesauros
Ultimo nec si teneras salutes
Limine Musas.*

*Perge secretos memorando mente
Artium Libros monumenta Magnùm
Volve Doctorum, Tua sic vigebit
Fama perennis.*

XXVI. V. D. JOANNI BROZYNA

Sapiens cogitat semper qualis vita, non quanta sit:
non enim viuere bonum est, sed benè viuere. *Se-
neca in Epist.*

*S*pecto Tuæ geminas semper fauisse Patronas
Vitæ; CRACIADES THESPIADESq; Deas.
Illæ Corpus, at hæ Sophiam, moresq; dederunt
CRACIADES Patriam, THESPIADESq; Scholā
Quæ Tibi dic harum, quæso, maiora tulere
Commoda? dic harum quæ quoque maior erit?
CRACIADES purum donarunt viuere, Diuæ
Ut benè sed possis viuere THESPIADES.
Ergò CRACIADES debebunt esse minores
Maiores debes dicere THESPIADES.

XXVII. V. D. STANISLAO SKRZESZOWSKI.

Virtus clara æternaq; habetur *Cic. lib. 1. de Nat. Deor.*

*Q*uæ celfo resides Diua cacumine,
Et quæ Caucaſeis rupibus horrida
Hæres; VAVELII quæ iuga permeas
Nunc, nunc SKRZESOVIO dulciloquā manu,
In laudes meritas tange precor chelyn
Hic virtutis amans, & studij Sophum
Non ignarus adest, Palladis atria
Hic calcat cumulos omnigenos sibi

Artis confocians & sapientia

Ibit per varias fama Tui plagas.

Pernix, & meritis Tu celebraberis

Per mundi varios laudibus angulos.

XXVIII. V.D. CASIMIRO DMOSICKI. NOB.
Semper Laurea comitata Musis, & Toga septa
armis magis refulget. *Varf. 3. Tur.*

Nobile quem decorat, felix est, nomen Auorum,
Laudeq; cui præeunt splendida facta Patrum,
Propria quem virtus ornat felicior ille est,
Et quem virtutum insignia clara notant.
Magnanimæ mentis retines duo vincla DMOSICKI
Virtutemq; almam, pulchraq; facta Patrum.
Stemmata de antiquo ramum millesime ducis,
Nobilis in studijs, nobilis ingenio.
Nobilitas generis virtuti iuncta potenti,
Insignes fructus, commoda mille feret

XXIX. V. D. MARTINO WINKLER. CRAC.
Honorata virtus cessare nescit, & præmijs, hono-
reque; ut flamma ventis excitatur, & ardua petit. *Iacob.*
Gorscius in Præf. in Orat. Philippi Calimachi, in Synodo Epi-
scoporum de Contrib. Cleri.

Quos Patriæ pietas trahit, aut iam dulcis amantæ
Libertatis amor, studijs quos
Inuigilare iubet. Magnorum sæpe Parentum
Palladium soboles decus esse,
Nata solet rostris; liceat nunc Urbis amicæ
Dicere Te columen, Patriæque
Fulcrum, Libertatis asylum grande futurum
Delicium, iubar & decus amplum.

XXX. V.D. IACOBO RORAYSKI CRAC.
Non ætate verum ingenio adipiscitur sapientia.
Plautus Trin.

Paucis ante annos perfecta scientia venit,
Quâ grandæva nimis sæpe senectæ caret.

In Te Diua suam fixit sapientia sedem,
 Annorum longas præueniendo dies.
 Quid mirum! Tecum quoniam sapientia creuit,
 Quem mox prognatum, docta Minerua aluit,
 Virtus nutriuit, probitas, pietasque, decorque,
 Ornauit roseus pingit & ora pudor.
 Magna *Patris Soboles*, doctæ crescasque Mineruæ,
 Omnibus vt fias lux, columenque Tuis.

XXXI. V. D. FRANCISCO PRZEWOSKI

Ingenij præclara facinora immortalia sūt. *Salust. in Ca-*

S Vanis dulciloquas ô neq; tibias (til.

SEVTERPE cohibe, nec POLYHYMNIA,

Argutum renuas tendere barbiton,

Iam tandem lepidis ecce sororibus

Stipatus remeans Palladias volens

Lauros eximiâ fronte capeffere.

Nunc PRZEVOSCIUS. *Hic Castalidum decus.*

Facundi nitidus splendor Apollinis,

Sunt quorum studijs Tullius eloquens

Cura peruigili præsidet, & quibus

Permulum sapiens Cecropius fauet

At PRZEVOSCIANIS Tullius annuit

Musis in studijs hunc iuuat & Plato.

XXXII. V. D. IOANNI FRESEL

Est virtutis merces gloria, quæ eadem bonis viris tribuitur.

Ethic. lib. 4. cap. 3.

P Riina quem Laurus redimiuit olim,

Quemq; Nyfæi decorare Thyrsi,

Quique sacros Academicorum

Prændit Honores.

Illius frontem decores secunda

Laureâ, Pallas decoresque Thyrsis:

Huicque Lemniscos Academicorum,

Confer honorum.

Ille longinquis remeans ab oris

Roxiæ, cultas celebrauit artes

Mente Musarum spatiosa visit,

Regna sacrarum.

Ille munitus clypeo Mineruæ
Cuncta iam forti superabit ausu,
Illius nomen radiofa scandet
Effeda Famæ.

XXXIII. R. D. ALBERTO NV CERINO,
Ord. Canonic. Regul. Custod. SS. Sepulchri
Hierosol. Conuent. Miechou.

Ad virtutem via bona & compendiaria, est vitæ
sæcularis fuga. *S. Nylus.*

Plurima sunt in Te, quæ sat NV CERINE relucet,
Est DOCTRINA, PVDOR, RELIGIO, PIETAS,
Doctrinam Musæ dederunt, Natura Pudorem,
A virtute fluit Religio, Pietas,
Nobilis ut video Te virtus nobilitauit,
Proq; Tuo gestas Stemmata signa CRVCIS.
Cur Tibi Stemma CRVCEM placuit gestare? cruenta
Stemma meum vita CRVX in vtraq; manet.
Stemmata sunt alijs, quæ pauco tempore durant,
Hoc at in æternum Stemma manebit idem.
Ergo salutis opem gere pulchrum Stemma decussim
In terra, fies nobilis inq; Polo.

XXXIV. R. D. IOANNI DE IACKI,
Eiusdem Ord. & Conuen.

Humanam nobilitatem, in nulla alia re, quàm in
ipsa virtute positam censemus. *Dionys. Halic. lib. 3.*

TE quoque nobilitat, Virtus, Moresque DEIACI,
Te Doctrina, Pudor, cum Pietate decet.
Consimiles istis virtutes esse videntur,
Quos idem nexu consociauit Amor.
Ergo CRVCEM gestans pro Stemmata, quam
quoque gessit
Confrater, simili nobilitate nites.
Inclita CRVX nostris maneat contermina SCE-
PTRIS.
Æternum vigeant ipsaq; SCEPTRA CRVCI.

XXXV.

XXXV. V. D. ANDREÆ ABREK.

Poma à suo stipite cadere, & Liberi Progenitoribus similes esse consueverunt. *Varse. 4. Tur.*

O Erudito Diua ZAMOSCII
 IVNO patienti pectore Te dedit
 Orbi; Minervæ Te novellum
 Deliciumq; decusq; Phæbi
 Tulit. Magistri proles, Apollinis
 Inbarq;, germen Palladis, optime
 Nepos Dearum; Pegasus quem
 Sponte ZAMOYSCIADVM, huc remisit
 Illustris adsit Pegasidum Chorus
 Huc huc & omnes appropere Deæ
 ABRKOVIANO mox daturæ
 Laurigeras capiti Coronas,
 Vestes Camoenæ ABRECIVS ardua
 Scandit bicollis iam iuga verticis,
 Ei libenter nunc Honores.
 Quantocyus date Laureatos
 Mellita Patris sessitat in labris,
 Cui Suada præstans eloquio; cui
 Hermes fauet, dum Tulliano,
 Ora rigat benè tincta niptro
 Hunc erudiit, docta CYNERSCII
 Pallas lepores, hic placidos gerit
 CYNERSCIANIS in Palæstris,
 Eloquij latices beati.
 CYNERSCIANÆ si fueris memor
 Tuiq; Patris Palladis; eloquens
 DEMOSTHENES fies, & ipsum
 Ore Tuo CICERONA vinctes.

XXXVI. V. D. HYACINTHO TOMA-
SZE WIC CRAC.

Nunc dum cuncta mihi, te habere dicam, Iusta
(quod doleo) cares staturâ. *Smieszkonijs ad Vitellium.*

DIALOGISMVS POETÆ CVM MVSA.

P. **M**Vsa mihi referas Iuuenem, cur Laurea adornes?

M. Vt pateat cunctis Palladis esse virum.

P. Vir, Iuuenis non est: Iuuenis nec vir solet esse,
Ergo cum Iuuenis sit, iam vir is esse nequit.

M. Tempore, vir Iuuenis, vel contra non solet esse
Moribus aut Iuuenis, vir bonus esse solet.

Ergo licet Iuuenis noster TOMASEVIVS exstet
Tempore; sed constat moribus esse virum.

P. Cur ætate tamen Iuuenem Parnasside adornes?

M. Mores non ætas Laurea ferta merent.

P. Moribus ergo virum Lauro iam Musa corona,
Tempore sed Iuueni Laurea ferta nega.

XXXVII. V. D. ANDREÆ KOLVSKI.

Hoc naturæ thesauris reponimus, quod famæ
commodis applicamus. *Cassiod. lib. 8. Epist. 23.*

VT queant blandis resonare sistris,
Facta KOLVSCY Tua post labores
Inuoces Musas, aderunt vocatæ,
Phæbus & ipsæ.

Sive quæ sacras Heliconis undas
Sive Parnassi iuga celsa Magni
Incolunt, fient Tibi cuncta præstò
Numina Diuum.

Te suis CLIO memorare fastis
Gestiet, plectris ERATO sonabit,
Teq; gaudebit liquidâ tonare
Voce THALIA.

Ibis & vines hominum per ora,
Perq; longæuos celebris manebis,
Temporum cursus comitatus ipso
Agmine Diuum,

XXXVIII. V. D. MARTINO FILOWIC.

Nihil Philosophiâ gloriosius puta : Nam cùm
mater legis sit , Regni quoq; Dei consors existit.
S. Nylus.

O Mnia non omnes habuerunt secula doctos,
Ast & nunc doctos secula nostra fouent.
Te nobis celebrem reddet Tua Musa Maronem,
Et reddet magnum docta Minerva Sophum,
Nam Te nocturnis iuuat impallescere chartis,
Dum monumenta Sophum nocte dieq; legis.
Musa tuas curas ornabit diuite lauru,
Musarum gressus & leget almus honor.

XXXIX. V.D. FLORIANO BARSZCZEWIC.

Quorum præmium honor est atq; laus : longè
præstantiora sunt , quàm ea, quorum præmium
est pecunia. *Cic: lib: 2. Rhet: c. 9.*

Sunt quos Arma iuuant & Litui decent,
Sunt quos Diuitiæ consociant Dijs:
Sunt quos Nobilitas, quos Honor inclytus,
Vastum tollit ad æthera.
Te non Arma iuuant, Classica nec decent.
Nec Te cœlicolis consociant opes
Artis nobilitas, ac Honor arduus
Summum tollit ad æthera.
Tu fulcas Sophiæ veliuolum mare,
Et versas animo : Te Sophus abditis
Exercet rigidus sæpè perarduis
Musas erudias Tuas.
Pergas iam domitis Marte laboribus,
Ad finem properes ducere debitum,
Te victrix celebrem sic sapientia,
Laus & concomitabitur.

XL. V. D. IOANNI MVLAROWIC.

Laborem non refugit, qui virtutis gloriam con-
cupiscit. *Cassiod. Epist: 20. lib: 1.*

Inclyta pro meritis suffulta scientia semper,
Surgit in immensum perpetuumq; decus.

*Te quoq̃ sublimi quis non virtute coruscum
Dicat? præmia quis promeruisse neget?
Quem labor assiduus non frangit multa legendo,
Et somnos oculis detrahit ille tuis,
Profluit hinc oris grauitas, hinc gratia fandi,
Hinc morum probitas, integritasq̃ decens.
Ergo decurras stadium campumq̃ Mineruæ,
Faustè difficiles iam superando vias.
Sicelides Superùm Diuo de semine Natæ,
Victorem sertis cingite lauriferis.*

I A M B V S

Applaudente affectu

PVRISSIMVS.

V. D. FRANCISCO LYZNIEWIC,
SECUNDÆ LAVREÆ CANDIDATO.

MEis, Amice, non tacende versibus,
Et huius ordinis decus.
Iambus hic studet dicare se Tibi.
Mei ex calore pectoris.
An obstupefcis? ô amate Gratijs!
Caputque carum Apollini.
Quod obstrepentis audias, Tuæ Chely,
(Chely pol aureæ, Chely
Eburnæque melleæque) pollice
I ambi ineruditulo
Modosque, fila temperata proprio,
Satis canore dissona.
Quid? erubescas anné eam tibi bonæ
Dedêre mentis indolem?
Tui ingenij scientiæque munera,
Heu quis hic Tuus vigor!
Honosque virtutis laborque pertinax!
Benigna tanta vena quæ!
Poëta vt ante lauream nouus statim
LICENTIATVS audias.

*Franciscus Petricius eiusdem Laureæ Candidatus,
Suo in Authorem calore.*

APO.

FRANCISCI APPEL Secundæ Laureæ Candid.
AD POETAM.

Nusquam quieto subsidet otio,
Doctrina, præstat limite prævio,
Scientiarum, pacis arcta
Sistere iura, decusq; Sparthæ.
Iniuriarum quominus absq;
Marcescat ævo gloria: scilicet
Linenda Cedro; quos Eburno
Scalpsit adaucta stylo Catones.
Integritatis vindicat Arbiter
Sensus capacem qui fouet indolem,
Vices rependit, sorte versâ
In faciem Talionis acrem.
Insonte posco LYZNIEVIVM dein
Candore vatem. Sicelidum satis
Gustavit undas fonte sacro,
Castaliumq; bibit fluentum.
Matura Doctum quæ Dea verticem
Augustiori pneumate sensuum
Fecundat? ecquis glorioso
Pectore vel Genius nitescit?
Summo! profusam gurgite gloriam!
Subtilitatum quotquot acumina
Sparsit metris in ponderosis,
Nec rationis abest venustas.
Diu probatæ tessera gloriæ
Suauem sonabit MNEMOSYNON diu
Partas vicissim voce laudes,
Posteritas placidè loquetur.





Sub

FELICISSIMIS AVSPICIIS,

Perillustris Adm: R. & Magnifici D.

**D. I A C O B I
G O R S K I**

I. V. Doctoris & Professoris, Protono-
tarij Apostolici, Ecclesiarum, Cathe-
dralis Cracouiensis Canonici, & Collegiatæ
Omnium Sanctorum Custodis.

&c. &c.


Atque Vniuersitatis Cracouiensis
Vigilantissimi


R E C T O R I S.



C R A C O V I Æ,

Apud Lucam Kupiß, S. R. M. Typographum.





Biblioteka Jagiellońska



stdr0009377

